

後漢書集解

(外三種)

一

王先謙等
撰

上海世紀出版股份有限公司
上海古籍出版社

後漢書集解

(外三種)

一

王先謙等
撰

上海世紀出版股份有限公司
上海古籍出版社

圖書在版編目(CIP)數據

後漢書集解:外三種/(清)王先謙等撰. —上海:
上海古籍出版社,2006.4
ISBN 7-5325-4405-2

I. 後... II. 王... III. ①中國—古代史—東漢時
代—紀傳體②後漢書—注釋 IV. K234.204.2

中國版本圖書館 CIP 數據核字(2006)第 033481 號

ISBN 7-5325-4405-2



後漢書集解(外三種)

(全二冊)

王先謙等 撰

上海世紀出版股份有限公司

上海古籍出版社 出版、發行

(上海瑞金二路 272 號 郵政編碼 200020)

(1) 網址:www.guji.com.cn

(2) E-mail:guji1@guji.com.cn

(3) 易文網網址:www.ewen.cc

經售處:上海發行所發行經銷 上海展強印刷有限公司印刷

開本 787×1092 1/16 印張 96.75 插頁 9

2006 年 4 月第 1 版 2006 年 4 月第 1 次印刷

印數:1-800

ISBN 7-5325-4405-2

K·859 定價:270.00 元

如發生質量問題,讀者可向工廠調換

出版說明

《後漢書》一百二十卷，其中紀傳九十卷，南朝宋范曄撰，唐李賢注；志三十卷，晉司馬彪撰，南朝梁劉昭注。因舊注時代久遠，後人已覺難以索解，有些需重新加以注釋、校勘和考辨。清代以降，研治《後漢書》的學者不少，成果累累。其中《後漢書辨疑》十一卷、《續漢書辨疑》九卷，清錢大昭撰；《後漢書注補正》八卷，清周壽昌撰，對《後漢書》及其舊注頗有考辨補正之功。《後漢書集解》一百二十卷，近人王先謙撰，則以唐李賢注和清惠棟《後漢書補注》等爲基礎，廣採博收，校勘文字，訂正訛誤，詮釋名物典章制度，爲《後漢書》注之集大成者。《後漢書集解》未刊成而先謙已卒，底稿有散佚，賴弟子黃山及柳從辰校勘補成之。茲將以上四書合併出版，以供歷史研究者參考。《後漢書辨疑》、《續漢書辨疑》據清樵李沈氏銅熨斗齋刻本影印；《後漢書注補正》據清光緒十年周氏思益堂刻本影印；《後漢書集解》據民國王氏虛受堂刻本影印。

上海古籍出版社

二〇〇六年三月



後漢書辨疑卷一

卷一

嘉定錄事之甫

目錄

志第六卷大喪 閩本大喪下有諸侯王列侯始封貴人

·公主薨一條

第二十九卷導從卒 卒當作車志中標目亦作車

列傳第五卷注欽曾孫歷 欽字行閩本無

第八卷吳漢陳俊蓋延臧宮 案蓋延當在陳俊之前

第十一卷子隗 子隗二字當注在任光下

第十八卷馮衍注子豹 閩本子豹二字注在下卷馮衍

下

第三十卷上班彪注子固 閩本子固二字注在下卷班

彪下

第四十卷 依光武十王之例當有明入王三字閩本不

脫

第四十五卷 脫章入王三字閩本不脫

第六十四卷上袁紹注子譚 子譚二字閩本注在下卷

袁紹下

第七十一卷范丹 閩本作范冉注云一名丹

光武帝紀

南陽蔡陽人 杜佑曰東陽後漢蔡陽縣漢春陵故城在

今縣東

鬱林太守外注鬱林郡今柳州縣 胡三省曰唐柳
州無鬱林縣而唐之桂柳鬱邑象鬱尉南尹樂融賓等
州皆漢鬱林郡地

欽生光武 光武母張氏趙國張況族姊光武呼況為大

舅見張禹傳

光武避更新野 鄧晨傳云及光武與家屬避更新野舍

晨廬甚相親愛

更始元年 是歲王莽地皇四年也不應提行

注清陽縣屬南郡 案清陽兩漢志俱作育陽屬南陽此

作育仰誤也

初王莽天下能為兵法者六十三家數百人 按王莽

傳云徵諸明兵法六十三家術者各持圖書受器械此

者字當在家字下

以為壘尉 百官表有中壘校尉今省作壘尉

衝輜櫓城 說文輜兵車也漢書衡山王傳作輜車鍛矢

六月己卯 通鑑作己卯朔

廼遣光武以破虜將軍行大司馬事 案上文拜光武為

破虜大將軍此脫大字

復漢官名吏人喜悅 閩本官名下有古字疑是故字之

誤

於是引兵拔廣阿 杜佑曰趙州昭慶縣漢廣阿縣

遂東圍鉅鹿 杜佑曰唐鉅鹿縣漢南縣也漢鉅鹿縣今

平鄉也

會諸將軍燒之 閩本無將字

秦豐自號楚黎王注秦豐黎王鄉人 案黎王鄉屬南郡

即縣積漢書志作犁王

又別號諸賊尤來 水經注云鄒山記曰徂來山在兗州

梁父奉高博城三縣界今猶有美松赤眉樊崇保此山

自號尤來三老

注大將軍營有五部部三校尉 案續志部校尉一人

建武元年大軍復進至安次 安次今順天府文安縣

廼遣吳漢率耿弇陳俊馬武等十二將軍追戰於潞東

案耿弇傳云光武還薊復遣弇與吳漢景丹蓋延朱祐

後漢書辨疑卷一

三 楊李氏 楊李氏 楊李氏

邳彤耿种劉植岑彭祭遵堅鄧王霸陳俊馬武十三將

軍追賊至潞東據此則十二當作十三

行到南平棘注屬常山郡 案地理志常山郡平棘無南

字

千秋亭五成陌 千秋五成皆取嘉名

揚化將軍堅鐔等十一將軍 案十一將軍者吳漢朱祐

岑彭賈復堅鐔而外有大司空王梁右將軍萬脩驍騎

將軍劉植積射將軍侯進偏將軍馮異祭遵王霸也見

岑彭傳

盧方起安定 方闔本作芳

破虜大將軍叔壽 廣韻叔姓左傳魯公子叔弓之後

二年大司馬吳漢率九將軍 案九將軍者大司空王梁

建義大將軍朱祐大將軍杜茂執金吾賈復揚化將軍

、堅鐔偏將軍王霸騎都尉劉隆馬武陰識也見吳漢傳

庚辰封功臣皆為列侯 時詔使馮勤典諸侯封事勤差

量功次輕重國土遠近地勢豐薄不相踰越莫不厭服

焉自是封爵之制非勤莫定

率征虜將軍祭遵等二將軍擊恆農賊 二當作五祭遵

而外有建義大將軍朱祐漢忠將軍王常騎都尉王梁

臧宮也見祭遵傳

遣執金吾賈復率二將軍擊更始郎王尹遵 案二將軍騎

都尉陰識驍騎將軍劉植也遵更始傳作尊

後漢書辨疑卷一

四 楊李氏 楊李氏 楊李氏

遣虎牙大將軍蓋延率四將軍伐劉永 案四將軍者騎

馬都尉馬武騎都尉劉隆護軍都尉馬成偏將軍王霸

也

殺淮陽太守潘蹇 廣韻周文王子季孫食采

於潘因氏焉晉有潘父楚有潘崇

帝自將征五校大破五校於薊陽 案薊陽之役從帝往

擊者大司馬吳漢建威大將軍耿弇建義大將軍朱祐

執金吾賈復偏將軍馮異強弩將軍陳俊左曹王常騎

都尉臧宮也說文魏郡有弟陽鄉讀若錡

以廷尉岑彭為征南大將軍率八將軍討鄧奉于堵鄉

案八將軍者朱祐賈復及建威大將軍耿弇漢忠將軍

王帝武威將軍郭守越騎將軍劉宏偏將軍劉嘉耿植也

三年以偏將軍馮異爲征西大將軍 晉書職官志云四征起于漢代

與赤眉戰於回溪禹異敗績 案回溪之役鄧禹馮異與車騎將軍鄧宏同敗本紀不及鄧宏未知何故

立皇考南頓君以上四廟 春陵節侯鬱林太守鉅鹿都尉南頓令也

餘眾南向宜陽 南向馮異傳作東走說詳馮異傳 遣吳漢率二將軍擊青犢于軋西 案二將軍者建威大將軍耿弇虎牙大將軍蓋延也

大破鄧率于小長安 小長安在南陽郡育陽縣 後漢書辨疑卷一 五 李氏氏綱 疑斗蕭書

吳漢率七將軍與劉永將蘇茂戰於廣樂 七疑當作二 吳漢傳云率驃騎大將軍杜茂彊弩將軍陳俊等圍蘇

茂于廣樂 征南大將軍岑彭率三將軍伐秦豐 三將軍傳俊臧宮

劉宏也 四年遣右將軍鄧禹率二將軍與延岑戰於武當 案二

將軍復漢將軍鄧錡輔漢將軍于匡也 遣大司馬吳漢擊五校賊于箕山 案是時漢與彊弩將

軍陳俊前將軍王梁同往本紀不言率二將軍似略 遣征虜將軍祭遵率四將軍討張豐于涿郡 案四疑當

作三三將軍者建義大將軍朱祐建威大將軍耿弇驍騎將軍劉喜也

遣揚武將軍馬成率三將軍伐李憲 案三將軍者誅虜將軍劉隆振威將軍朱登射聲校尉王賞也

遣建義大將軍朱祐率二將軍圍秦豐於黎丘 案二將軍者破姦將軍侯進輔威將軍耿植也

五年大司馬吳漢率建威大將軍耿弇擊富平獲索賊於平原 案是役也耿弇而外有漢忠將軍王常

復遣耿弇率二將軍討張步 二將軍騎都尉劉歆太山太守陳俊也

遣征南大將軍岑彭率二將軍伐田戎於津鄉 案二將軍者傅俊及威虜將軍馮駿也 後漢書辨疑卷一 六 李氏氏綱 疑斗蕭書

注蔚宗序例云帝紀畧依春秋唯字彗日食地震雷餘悉備於志 案序例之說得史體矣符瑞之屬當具于五行志范志雖失傳其書固有五行志也見蔡邕傳今紀

中建武十二年甘露降南行唐黃龍見東阿十七年有五鳳皇見於潁川祁縣永平十一年灤湖出黃金時麒麟白雉醴泉嘉禾所在出焉建初三年零陵獻芝草四年甘露降泉陵洮陽二縣五年零陵獻芝草有八黃龍

見于泉陵元和二年鳳皇集肥城桓帝之世更史不絕書何自相刺謬耶

盧芳自稱天子於九原 案芳傳于建武元年匈奴已立

爲帝矣

交趾牧鄧讓率七郡太守遣使奉貢 七郡太守謂江夏

太守侯登武陵太守王堂長沙相韓福桂陽太守張福

零陵太守田翕蒼梧太守杜穆交趾太守錫光也見岑

彭傳章懷以七郡爲南海蒼梧鬱林合浦交趾九真日

南并也

六年遣虎牙大將軍蓋延等七將軍從隴道伐公孫述

七將軍者蓋延及征虜將軍祭遵建威大將軍耿弇捕

虜將軍馬武驍騎將軍劉歆武威將軍劉尚漢忠將軍

王常也

遣前將軍李通率二將軍與公孫述將戰于西城 案二

後漢書辨疑卷一

七

李氏氏銅

將軍謂破姦將軍侯進討虜將軍王霸也

隗囂遣將行巡寇扶風 廣觀行姓周有大行人之官其

後氏焉

七年公孫述立隗囂爲朔寧王 朔寧取其殺靜北方

省長水射聲二校尉官 耿國爲射聲校尉因罷此官更

拜駙馬都尉是也

八年殺隗囂守將 囂將金梁也

高句驪王遣使奉貢 初王莽更名高句驪王爲下句驪

侯至是始復其王號

九年遣大司馬吳漢率四將軍擊盧芳將賈覽於高柳

四將軍謂討虜將軍王霸橫野大將軍王常建義大將

軍中郎將欽監征西大將軍馮異等五將軍討隗純於

天水 五將軍謂馮異及建威大將軍耿弇虎牙大將

軍蓋延揚武將軍馬成武威將軍劉尚也

後漢書校尉官 西羌傳同然溫序于建武六年已爲

議光校尉似非九年始置矣見獨行傳

十年大司馬吳漢率捕虜將軍王霸等五將軍擊賈覽於

高柳 案五疑當作四王霸傳云明年霸復與吳漢等

四將軍出高柳擊賈覽捕虜將軍馬武也此當作討虜

建武五年拜霸爲討虜將軍

大破隗純於落門 續漢志漢陽襄縣有雒門聚雒與落

後漢書辨疑卷一

八

李氏氏銅

同

來欽率諸將擊羌于五谿 諸將謂虎牙大將軍蓋延武

威將軍劉尚大中大夫馬援也

十一年征南大將軍岑彭率三將軍 案三將軍謂誅虜

將軍劉隆輔威將軍臧宮驍騎將軍劉歆也

破公孫述將王元環安於下辯注縣名 案下辯道名地

理志有下辯道郡國志脫道字攷隸釋武都丞等題名

有下辯道長任詩注云縣名非也

十二年九真徼外蠻夷張遊率種人內屬封爲歸漢里君

夷疑當作里故封游爲里君也章懷云里蠻之別號

今呼爲俚人

十三年皆襲爵爲王不應經義 朱祐傳祐奏古者人臣受封不加王爵可改諸王爲公帝卽施行

以周永休公姬常爲衛公 前書恩澤侯表云建武二年

五月戊辰更常爲周承休侯五年侯武嗣十三年更爲

衛公今范書侯作公十三年更封仍作姬常不云姬武

未知孰是

益州傳送公孫述替師郊廟樂器葆車輿輦 輿當作輿

廣漢徵外白馬羌豪率種人內屬 樓登等率五千餘戶

內屬封爲歸義君長

日南徵外蠻夷獻白雉白兔 日南南蠻傳作南越

十四年封孔子後志爲褒成侯 此卽成亭侯也孔傳傳

後漢書辨疑卷一

九

李沈氏

謂初封褒成至孔損徙封褒亭非是

是歲合稽大疫注會稽今越州縣 陳景雲曰是時會稽

理吳至順帝分置吳郡徙會稽理山陰乃爲唐之越州

地耳注徵誤

十五年徙鴈門代郡上谷三郡民置常關居庸關以東

案常關當從南匈奴傳作常山關吳漢傳作常關亦誤

陛下德橫天地興復宗統 橫與光古字通言聖德光乎

天地也

陛下恭讓克讓 上讓字誤闕本作謙

十六年交趾女子徵側反略有城邑 略六十五城自立

爲王

又以畏懷捐城委守者皆不以爲負 捐城通鑑作損怯

自是牛馬放牧邑門不開 通鑑牧放下有不收二字

十七年二月乙亥晦日有食之 乙亥五行志作乙未

進幸葉章陵注葉縣屬南郡 案葉章陵俱屬南陽注云

南郡誤

五月乙卯車駕還宮 上云四月乙卯南巡狩則五月不

得又有乙卯二者必有一誤

其餘九國公皆卽舊封進爵爲王 案光武十王傳云臨

淮懷公衡建武十五年立未及進爵爲王而薨無子國

除本紀諸公進爵在十月臨淮公衡薨在六月則進爵

爲王者止有楚東海濟南東平淮陽山陽左鄉邪八王

後漢書辨疑卷一

十

李沈氏

不得云九國皆因舊國封也

十八年遣大司馬吳漢率二將軍討之 二將軍謂劉尚

臧宮也

甲寅西巡狩 甲寅杜篤傳作甲辰

十九年脩西京宮室 脩宮室事詳見杜篤傳

二十年大司徒戴涉下獄死 賈融傳云戴涉坐所舉人

盜金下獄帝以三公參職不得已乃策免融涉所坐之

罪當以融傳爲正注疑誤

東夷韓國人率眾詣樂浪內附 韓國人卽韓國廉斯人

蘇馬提也

二十一年安定屬國胡叛屯聚青山 青山在參綠縣參

緜故屬安定郡國志屬北地

二十二年大司空朱浮免 坐賣弄國恩

使中郎李茂報命 匈奴傳作中郎將閭本監本俱有將字

匈奴北徙幕南地空 幕烏桓傳作漠

二十三年南郡蠻叛 潯山蠻雷遷等寇掠

高句驪率種人詣樂浪內屬 種人蠶支落大加戴升等也

二十四年於是伏波將軍馬援率四將軍討之 伏波上當有遣字四將軍謂馬武耿舒劉匡孫永也

二十五年遼東徵外貊人 貊人即句驪也東夷傳作句驪

後漢書辨疑卷一

上

魏李沈氏

驪案本紀東夷傳並云元初五年高句驪與濊貊寇元

菟則句驪與濊貊明是兩國傳作句驪紀作貊人者以

句驪一名貊耳也

寇右北平漁陽上谷太原 陳景雲曰太原二字非衍即

誤貊人入寇東邊諸郡耳不能西至太原內地也東夷傳同

烏桓大人率眾內屬 烏桓大人郝旦既于春閒來朝矣

後又率眾九百餘人內屬故復記之

二十六年詔有司增百官奉 西京百官受奉之制前書

不載顏師古注百官表所云漢制典章懷引積漢志相

同今本百官志與前章懷所引微有不同惟比六百石顏注云六十斛爲小

異耳顏注大率即用積志其增減之數不可攷矣

二十七年益州郡徵外蠻夷 哀牢王賢栗也

魯王興齊王石始就國 帝問趙熹以久長之計熹請遣諸王就國帝從其議

二十八年淮陽王延始就國 延于次年入朝見第五倫傳

三十年十一月乙酉至自魯 通鑑作丁酉

三十一年陳留兩穀形如神實 論衡感虛篇云建武三

十一年陳留兩穀穀下蔽地案視穀形若芙蓉而黑有似于俾實也

中元元年 隸釋成都漢蜀郡太守何君造尊榼閣碑

後漢書辨疑卷一

上

魏李沈氏

其末云建武中元二年六月就按范史本紀建武止三

十一年次年改爲中元書爲中元元年觀此所刻乃是

雖別爲中元猶冠以建武如文景中元後元之類也又

祭祀志載封禪後赦天下詔明言改建武三十二年爲

建武中元元年東夷傳建武中元二年來奉貢證據甚明宋莒公紀元通譜云紀傳俱出范史必傳寫脫

誤學者失于精審以意刪去梁武帝大同大通俱有中

字是亦慮章於此

淮陽王延趙王旰 旰傳作棚

丁卯東巡狩二月己卯幸魯進幸太山 馬第伯封禪儀

記云車駕正月二十八日發雒陽宮二月九日到魯十

二日宿奉高十五日始齋登封

登封大山甲午禪于梁父 先是三十年二月太尉趙憙

上言宜封泰山帝不許至三十二年正月上讀河圖會

昌符曰赤劉之九會命岱宗之文乃詔梁松等復案索

河雒議文言九世封禪事松等列奏乃許焉

是歲初起明堂靈臺辟雍 楊街之雒陽記云平昌門直

南大道東是明堂大道西是靈臺

隴西太守劉盱遣軍救之 道從事辛都監軍掾李苞也

論曰生光武於縣舍有赤光照室中 論衡吉驗篇云光

武帝建平元年十二月甲子生於濟陽宮後殿第二內

中皇考爲濟陽令時夜無火室內自明皇考性之卽出

功曹史充蘭使出門卜工蘭與馬下卒蘇永俱之卜王

長孫所長孫卜謂充蘭曰此吉事也毋多言王長孫本

紀作王長

是歲縣界有嘉禾生一莖九穗 吉驗篇云是歲有禾生

景天備火中二本一莖九穗長于禾一二尺蓋嘉禾也

氣佳哉鬱鬱蔥蔥然 吉驗篇云王莽時謁者蘇伯阿能

望氣使過春陵城郭鬱鬱蔥蔥及光武到河北與伯阿

見問曰卿前過春陵何用知其氣佳也伯阿對曰見其

鬱鬱蔥蔥耳

遠望舍南火光赫然屬天有頃不見 吉驗篇云元帝之

初有鳳皇下濟陽宮故今濟陽宮有鳳皇廬始與李父

等俱起到柴界中遇賊兵惶惑走濟陽舊廬比到見光
若火正赤在舊廬道南光耀惶惶上屬天有頃不見

後漢書辨疑卷一終

後漢書辨疑卷一

古

漢李沈氏解

後漢書辨疑卷二

嘉定錢大昭晦之甫學

明帝紀

顯宗孝明皇帝諱莊 初名陽後改名莊

帝生而豐下 左傳穀也豐下必有後於魯國

監捕虜將軍馬武等二將軍 二將軍馬武及中郎將王

豐也

方春戒節人以耕桑其勅有司務順時氣 樊儵傳儵議

刑辟宜須秋月以順時氣顯宗從之襄楷傳永平舊典

一諸當重論皆須冬獄先請後刑

永平元年帝率公卿以下朝於原陵 水經注光武葬臨

後漢書辨疑卷二

一 李沈氏補

平亭南西望平陰大河逕其北

二年朕親祖割 文選東京賦注引東觀記割下有牲字

其賜榮爵關內侯食邑五千戶 賜桓榮爵而不及李躬

疑有脫文

有司其存者臺 存謂存問之

歷覽館邑 館邑御覽九十一引東觀記作館舍邑居

護光校尉竇林下獄死 坐欺罔及減罪

三年改大樂為太子樂 曹襄傳尙書璇璣鈴曰有帝漢

出德洽作樂名予明帝善之下詔改太樂官曰太子樂

蔡邕禮樂志云漢樂四品一曰太子樂典郊廟上陵殿

諸食舉之樂二曰周郊雅樂典辟雍饗射六宗社稷之

樂三曰黃門鼓吹天子所以宴樂羣臣四曰短簫鉦歌

車駕從皇太后幸章陵觀舊廬 建武六年改春陵鄉為

章陵縣

四年河南尹范遷為司徒 遷字于廬沛國人附見郭丹

傳

六年易曰鼎象三公 今易無此文當是易緯

示不為諂于蚩也 蚩笑也今俗別作嗤非是

八年注曰明則道正不明則政亂 道正闕本作政理

九年為四姓小侯開立學校置五經師 張酺傳云顯宗

為四姓小侯開學于南宮置五經師酺以尙書教授案

後漢書辨疑卷二

二 李沈氏補

四姓小侯注以為外戚樊郭陰馬是也攷秦彭傳云永

平中彭以貴人兄隨四姓小侯則但言四姓者特舉后

族耳貴人兄弟亦得隨入南宮學校也

十年十一月徵淮陽延會平輿 闕本作十月

十三年河汴分流復其舊迹 往者汴渠決敗則汴流東

侵而合于河今汴隄既成則汴水東南入泗而兗豫無

患河水東北入海而幽冀蒙利故曰復舊迹也

十月壬辰晦日有食之 續漢書志作甲辰注同

齊王石薨 哀王章之子

十四年司徒虞延免自殺 續志云坐與楚王英黨與黃

初公孫宏等交通

五年完城旦至司寇五匹 閩本司寇下有作字

徵琅邪王京會良成 良成故屬東海是年更臨淮郡爲

下邳國良成縣屬焉

十六年留兵屯伊吾盧城 建初二年罷永建六年復屯

山置伊吾司馬一人

司徒邢穆下獄死 坐與淮陽王延交通知逆謀

十七年正月甘露降於甘陵 甘陵當作原陵陰皇后紀

云永平十七年正月嘗謁原陵夜夢先帝太后遂率百

官上陵其日降甘露于陵樹卽其事

二月癸丑 南雍本閩本俱作三月

初置西域都護戊巳校尉 案西域都護是年初置不知

後漢書辨疑卷二

主 李氏

罷于何時和帝紀永元三年復置安帝紀永初元年復

罷志亦不載戊巳校尉是年初置章帝紀建初元年罷

西域傳建初三年復置嗣後復罷和帝紀永元三年復

置志皆不載

十八年完城旦司寇五匹 閩本司寇下有作字

館陶公主爲子求郎 公主光武女紅夫也適韓光

有非其人則民受其殃 有閩本作苟

章帝紀

開祀悉還更衣 惠士奇曰東京廟制異室同堂合祭於

堂是爲正殿開祀於室是爲便殿便殿爲更衣則開祀

非正祭矣西京舊制日祭於寢月祭於廟時祭於便殿

寢日四上食廟歲二十五祠便殿歲四祠則便殿乃時

祭也與東京不同而開祀皆於陵寢諸儒以爲非禮而

罷之

建初元年詔三州郡國 三州充豫徐也

舉賢良方正能直言極諫之士各一人 時對策者百有

餘人唯魯丕在高第除爲議郎

三年罷常山呼沱石臼河漕 續志南行唐有石臼谷

注卽今岷山之州 山之二字衍

四年 是歲平春王全薨紀失書

七年西巡狩以中牢祠蕭何霍光 韋彪傳云彪建言今

西巡舊都宜追錄高祖中宗功臣褒顯先勲紀其子孫

後漢書辨疑卷二

四 李氏

乃制詔京兆尹右扶風求蕭何霍光後時光無苗裔唯

封何末孫熊爲鄉侯

八年三月辛卯葬東平憲王 辛卯傳作巳卯

北匈奴大人率眾款塞降 案三木樓嘗大人稽留斯等

率三萬八千人款五原塞降

元和元年詔曰往者大獄已來掠考多酷鉗鑽之屬慘毒

無極 是時承永平故事吏政尙嚴切尙書決事率近

于重尙書陳寵上言宜蕩滌煩苛之法輕薄箠楚帝納

之遂詔有司絕鉗鑽諸慘酷之科解妖惡之禁除文致

之請讞五十餘事定著于令

二年人有產子者復勿算三歲 復復其夫也

以輕爲德 謂以輕爲沽譽釣名市恩德于下

詔曰今山川鬼神 是詔祭祀志作正月其詔書詳見劉

昭注中

使使者祠唐堯於成陽靈臺 成陽靈臺碑云慶都僊沒

蓋葬於茲欲人莫知名曰靈臺上立黃屋堯所奉祠途

遭亡新禮祠絕矣於是廷尉仲定奏請脩治帝納其謀

洪景伯曰兩漢志不言靈臺爲母家據此碑及述征記

靈臺非堯家明矣

其二王之後 謂宋公衡公

復博奉高竊無出今年山租芻藁 奉高告祠明堂之所

博麻柴告岱宗之所故賜復也

後漢書辨疑卷二

五 楊李沈氏制

以爲王者生殺宜順時氣 漢舊事斷獄報重常盡三冬

之月是時帝始改用冬初十月見陳寵傳

三年解釋怨結也 怨結闕本作結冤

遣使者祠北嶽出長城 此是趙地注以爲蒙恬所築長

城非也

幸安邑觀鹽池 楊佺期洛陽記云河東鹽池長七十里

廣七里山海經所謂鹽販之澤也

章和元年護羌校尉劉盱討之 劉盱西羌傳鄧訓傳並

作張紆案劉盱係隴西太守非護羌校尉盱之爲羌所

敗在光武中元二年距此時已三十餘年其人未必尙

在當作張紆

死罪囚犯法在丙子赦前而後捕繫者皆減死勿笞詣金

城戌 先是四月丙子赦天下繫囚減死罪一等勿笞

詣金城戌時廷尉郭躬上言今死罪亡命無慮萬人自

赦以來捕得甚眾而詔令不及獨不沾澤臣以爲赦前

犯死罪而繫在赦後可皆勿笞詣金城帝善之故復有

是詔

乙未晦日有食之 盧氏文弼曰五行志作元和誤也攷

是年七月九月俱丙申朔與八月乙未正合若元和元

年八月是甲寅朔九月是甲申朔安得八月乙未晦乎

月氏國遣使獻扶拔師子 月氏國疑當作安息國案西

域傳安息國章和元年遣使獻師子符拔大月氏國不

後漢書辨疑卷二

六 楊李沈氏制

載其事

和帝紀

孝和皇帝諱肇 說文以肇爲上諱必不有諱於氏不加

解釋安知其無始訓惟尊君之意不敢加詁訓耳章懷

謂伏侯許慎竝漢時人而帝諱不同蓋古今注譌爲肇

字耳

章和二年二月壬辰卽皇帝位 二當作正章帝以正月

壬辰崩則和帝卽位卽在此日

朕且佐助聽政 蔡邕獨斷云少帝卽位太后卽代攝政

臨前殿朝羣臣太后東面少帝西而羣臣上書奏事皆

爲兩通一謂太后一詣少帝

永元元年度遼將軍鄧鴻出柵陽塞 案度遼將軍至元
初年始授爲其此度遼上脫行字

二年紹封汝淮陽王 兩子側爲常山王 案兩子章和元

年七月薨無子國絕至是復以兩小子紹封乃特恩也

胡三省謂未及立嗣國有大喪今乃紹封誤矣若例得

襲封即于章和元年嗣位雖國有大喪何必遲至三年

之久邪

遺前校尉閭磐討北匈奴 磐當作善閭本有注云善音

力公反汲古閣本脫此注實意傳作盤西域傳作槃並

誤

取伊吾盧地 永平十六年留兵屯伊吾盧建初二年爲

北匈奴所據至是仍取之也

三年正月甲子 續志云正月甲子若丙子爲吉日可加

元服

皇帝加元服 是時冠禮蓋即用曹褒新禮故擢褒爲羽

林左監

尊太后母比陽公主爲長公主 漢制皇女皆封縣公主

儀服同列侯其尊崇者加號長公主儀服同蕃王其後

安帝桓帝妹亦封長公主今尊東海恭王彊女爲長公

主因皇太后母故特尊崇之

注廟記云曹參冢在長陵旁道北 廟閭本作廣

復置戊己校尉官 此時復置從馮豹之請也校尉領兵

五百人居車師前部高昌壁

四年注東觀記曰賜王具劍 匈奴傳作王劍四具

武陵零陵禮中蠻叛 案武陵禮中蠻零陵禮中蠻也單

卑禮中似脫禮中

詔以勃海郡屬冀州 勃海故屬幽州今改屬

七年度遼將軍朱徽 此度遼將軍上亦當有行字

易陽地裂 易陽屬趙國

八年自死罪已下至司寇 閭本司寇下有作字

九年及揮國重譯奉貢 揮國王名雍由調

汁益字君玉 案魯恭傳注引漢官儀作君上

十年復置廩犧官 續志掌祭祀犧牲屬鷹之屬屬河南

尹

十三年及條枝大爵 西域傳云條支大爵其卵如甕

十四年徙金城西部都尉以戌之 案建武六年罷郡國

都尉官并職太守金城是邊郡故仍置之

初置象林將兵長史官 時象林蠻夷反叛初平故置之

十五年疾病加至醫藥 至閭本作致

復置涿郡故鹽鐵官 鹽當作安地理志涿郡有鐵官而

無鹽官郡國志注有鐵官于故安下劉昭曰案本紀永

元十五年復置是故安之爲故鹽流俗人妄改也閭本

亦誤

是秋四州雨水 四州充豫徐冀也

是歲初令郡國以日北至案薄刑 舊制至立秋乃行薄刑自永元十五年後改用孟夏和帝末下令麥秋得案驗薄刑而州郡好以苛察為政因此遂盛夏斷獄見魯恭傳

十六年方察煩苛之吏顯明其罰 劉閭本作罪

元興元年高句驪寇郡界 入遼東寇略六縣

遼東太守耿夔擊貊人破之 貊人即高句驪也耿夔傳亦作貊人說詳光武紀

傳南海獻龍眼荔支 本艸龍眼一名益智圖經云似荔支而葉微小凌冬不凋唐慎微經史證類備用本草以龍眼荔支為二物

後漢書辨疑卷二 九 李氏

孝殤帝紀

孝殤皇帝諱隆 御覽九十一引東觀漢記云和帝皇子數十生者輒夭故殤帝養於民

延平元年朕且權佐助聽政 閩本權下有禮字

其減太官導官尚方內署諸服御珍膳靡麗難成之物

內署當作內者注亦誤續志少府屬官有內者令一人六百石左右丞各一人注云掌中布張諸衣物舊時太

官湯官經用歲且二萬萬和熹鄧太后勅止日殺省珍費自是裁數千萬及郡國所貢皆減其過半

安帝紀

和帝稱之 閩本和帝下有常字

鄧太后特詔留帝清河邸 帝下閩本有於字

孝章帝世嫡皇孫 孝章下閩本有皇字

清河王薨 清河王慶不名殆以帝父之故然勃海王鴻

質帝之父仍稱名疑此脫慶字

永初元年蜀郡徵外羌內屬 案青衣道夷令由與徵外

三種夷舉士內屬又龍橋等六種萬七千餘口內屬

以廣成游獵地及被災郡國公田假與貧民 從太傅張

禹及御史中丞樊準之請也

永昌徵外僦僦種夷貢獻內屬 王名陸類獻象牙水牛

封牛

九真徵外夜郎蠻夷舉土內屬 開境千八百四十里

後漢書辨疑卷二 十 李氏

河東地陷 續漢書曰河東楊地陷東西百四十步南北

百二十步深三丈五尺

倭國遣使奉獻 倭國王帥升等獻生口百六十人願請

見

二年為種羌所敗於冀西 西羌傳作鍾羌

遣光祿大夫樊準呂倉 時樊準為御史中丞因奉詔出

使故守光祿大夫

蜀郡徵外羌舉土內屬 薄中等八種三萬六千餘口內

屬

三年四月丙寅大鴻臚九江夏勤為司徒 禮儀志注引

丁字漢儀有夏勤策文云維元初六年三月甲子制詔

以大鴻臚勸爲司徒曰朕承天序惟稽古建爾于位爲
尊輔往率舊職敬敷五教五教在寬左右朕躬宣力四
表保乂皇家於戲實惟秉國之均旁祇厥緒時亮天工
可不慎與勤而戒之據此則夏勤之由大鴻臚爲司徒
非永初三年四月丙寅也疑史家之誤

海賊張伯路等 陳忠傳作勃海賊

四年度遼將軍梁慄 度遼上脫行字說見和帝紀

注凡諸子百六十九家 六當作八闕本不誤

先零羌寇襲中 先零西羌傳作滇零先零部落也滇零
人名也

郡國九地震 九續志作四

後漢書辨疑卷二

十一

續志沈氏

五年郡國十二地震 續志無二字

夫餘夷犯塞 步騎七八千寇鈔樂浪

六年太常劉凱爲司空 凱當作愷

七年注周禮司職曰 司下脫巫字南監本有巫字

元初元年先零羌敗涼州刺史皮陽 西羌傳作皮楊廣

韻皮姓出下邳案前書儒林傳有邳邪皮容

十一月是歲郡國十五地震 十一月下有脫文

二年洛陽新城地震裂 續漢書無震字

右扶風仲光 風俗通云凡氏于字伯仲叔季是也湯左

相有仲虺見廣韻

郡國地震 郡國下脫十字續志及闕本並不脫

三年東平陸上言木連理注序例曰凡瑞應自和帝以上
政事多美近于有實故書見於某處自安帝以下王道
衰缺容或虛飾故書某處上言也 案序例之說亦未
盡然桓帝紀建和元年芝草生中藏府二年嘉禾生大
司農帑藏永壽元年白鳥見齊國延熹八年南宮嘉德
署黃龍見濟陰東郡濟北河水清九年濟陰東郡濟北
平原河水清桓帝政事有何可美而不書上言皆自亂
其例

三月辛亥日有食之 月之二日也是月庚戌朔

越嶲徼外夷舉種內屬 大羊等八種

初聽大臣二千石刺史行三年喪 劉愷傳云舊制公卿

後漢書辨疑卷二

十一

續志沈氏

二千石刺史不得行三年喪由是內外取職並廢喪禮

元初中鄧太后詔長吏以下不爲親行服者不得典城

選舉陳忠因上言孝宣帝舊令人從軍屯及給事縣官

者大父母死未滿三月皆勿徭令得葬送請依此制太

后從其言宦豎不便之建光元年從尙書令祝諷尙書

孟布等議復斷大臣二千石以上服三年喪

四年二月乙卯大赦天下壬戌武庫災 據五行志武庫

災在是年十月八日壬戌二月是乙亥朔其月不得有

乙卯壬戌尉宗誤矣

三郡雨雹 續志云大如杆杯及雞子殺六畜

方今案比之時 案周禮小司徒掌九比之數以辨貴賤